

Convocatoria de probas de aptitude para o acceso ao Grao en Ciencias da Actividade Física e do Deporte para o curso académico 2024/2025

O [Real Decreto 412/2014](#), de 6 de xuño, polo que se establece a normativa básica dos procedementos de admisión ás ensinanzas universitarias oficiais de grao, permite, de xeito excepcional, a posibilidade de establecer avaliacións específicas de coñecementos e/ou de competencias.

O obxectivo das probas é o de garantir que a persoa aspirante presente unhas condicións físicas axeitadas e seguras para o aproveitamento do [Grao en Ciencias da Actividade Física e do Deporte](#). Procúrase que o alumnado acredite a súa madurez en relación cos obxectivos do grao e as súas capacidades en relación co exercicio da profesión do deporte. A persoa aspirante será avaliada como **APTA** ou **NON APTA**.

En virtude das facultades que confire o Real decreto e as outorgadas nos Estatutos da Universidade de Vigo (en adiante UVigo), aprobados polo Decreto 3/2019, de 24 de xaneiro (DOG Núm. 38, do 22 de febreiro de 2019), **esta reitoría resolve**:

1. Establecer un sistema de probas específicas de aptitudes e habilidades que se organizan de conformidade co regulamento específico publicado no portal web da UVigo: <http://fcced.uvigo.es/gl/estudios/grao-en-ciencias-da-actividade-fisica-e-do-deporte/acceso-e-admision/probas-de-aptitude-fisica/>.

O contido das probas e información adicional poderán consultarse na ligazón <http://fcced.uvigo.es/gl/estudios/grao-en-ciencias-da-actividade-fisica-e-do-deporte/acceso-e-admision/>. A realización e, no seu caso, superación destas probas non exime da obriga de realizar os trámites de admisión aos estudos universitarios oficiais de grao do sistema universitario de Galicia baixo a coordinación da [Comisión interuniversitaria de Galicia](#) (en adiante CiUG).

Quedan eximidos da realización das probas, pero non dos trámites de admisión sinalados no parágrafo anterior, as persoas que se acrediten como deportista de alto nivel ou de alto rendemento polo Consello Superior de Deportes ou polo organismo competente da Comunidade Autónoma.

Recoñeceranse as probas físicas de acceso superadas de calquera universidade española. É dicir, poderá acceder quen superase as probas específicas de acceso en calquera facultade do sistema universitario español durante o ano natural (sempre e cando as superase antes da apertura dos prazos que establece a CiUG para a admisión as titulacións con límite de prazos). De superarse fóra de Galicia débese achegar un certificado que o acredite, entre a documentación requirida, no momento de realizar a preinscrición para a admisión ao Grao en Ciencias da Actividade Física e do Deporte.

A superación da proba terá validez para a convocatoria seguinte, e dicir, tería validez no presente curso (convocatoria actual) e no seguinte curso académico.

2. Publicar a presente convocatoria segundo o seguinte calendario e normas:

CALENDARIO:

Presentación de solicitudes	do 8 de marzo ao 2 de abril
Listaxes provisionais de persoas admitidas e excluídas	8 de maio
Reclamacións ás listaxes provisionais	do 9 ao 13 de maio
Listaxes definitivas de persoas admitidas e excluídas	14 de maio
Realización das probas físicas (presentación con DNI)	1º data: 21 de maio 2ª data: 18 de xuño
Listaxes provisionais de persoas aptas, non aptas e non presentadas publicaranse ao remate da proba (dependerá da data da proba)	1º data: 21 de maio (no lugar das probas) e 22 (no taboleiro electrónico) 2ª data: 18 de xuño (no lugar das probas) e 19 (no taboleiro electrónico)
Reclamación ás listaxes provisionais (dependerá da data da proba)	1º data: 22 de maio 2ª data: 19 de xuño
Listaxes definitivas de persoas aptas, non aptas e non presentadas (dependendo da data da proba)	1º data: 24 de maio 2ª data: 21 de xuño

NORMAS:

1 Requisitos de acceso

Poderá participar calquera persoa interesada tendo en conta que, segundo a normativa básica dos procedementos de admisión as ensinanzas universitarias oficiais de grao, para optar a unha praza das ofertadas para iniciar os estudos do Grao en Ciencias da Actividade Física e do Deporte, haberá que estar en condicións de acceder a universidade como, persoas con título universitario, con título de formación profesional, persoas que superen a proba de acceso para maiores de 25 anos ou de 45 anos, ter superada a ABAU en anos anteriores ao actual ou superar a ABAU na próxima convocatoria para iniciar os estudos no curso 2024/2025.

2 Presentación de solicitudes

2.1 As solicitudes presentaranse exclusivamente por medios electrónicos na sede electrónica da UVigo (<https://sede.uvigo.gal/>) a través do procedemento **"SGRA – Probas de aptitude física"**, para o que será necesario posuír dalgún dos seguintes sistemas de identificación:

- DNle (medio de identificación para os menores de 18 anos)
- Certificado electrónico
- eID.AS (cidadáns UE)
- Cl@ve PIN
- Cl@ve Móvil
- Cl@ve Permanente

2.2 Para os menores de 18 anos admitirase a presentación por representante legal (pai, nai, persoa titora legal) que posúa algún dos sistemas de identificación recollidos no apartado anterior. Neste caso é preciso indicar na solicitude o nome completo e número de DNI ou documento equivalente da persoa a quen se representa, declarando de xeito responsable que a información e os datos persoais son veraces e que cumpre cos requisitos esixidos nesta convocatoria.

2.3 As persoas de nacionalidade extra comunitaria sen residencia en España, de xeito excepcional, poderán usar medios de acceso á sede electrónica alternativos, para o cal deberán comezar enviando un correo electrónico a estranxeiros@uvigo.gal antes de iniciar o procedemento de solicitude e con antelación suficiente ao día de peche do prazo de presentación.

3 Presentación de documentación

3.1 No momento de realizar da solicitude:

- A UVigo comprobará de oficio os datos correspondentes á identidade persoal e, no seu caso, os referidos a discapacidade, familia numerosa e a condición de persoal da UVigo, a efectos da concesión de matrícula gratuíta. Non obstante, as persoas que queiran opoñerse á consulta dos datos deberán:
 - ⇒ Iniciar o [procedemento de exercicio de dereitos sobre a protección de datos](#)
 - ⇒ Achegar a documentación seguinte, segundo corresponda:
 1. Copia do documento nacional de identidade ou equivalente
 2. Orixinal electrónico ou copia do certificado de condición legal con discapacidade expedido polo órgano competente da comunidade autónoma (non é válido o documento expedido polo INSS) e, de solicitara adaptación específica das probas establecida no apartado 4, un informe médico detallado sobre a discapacidade para a adaptación das mesmas.
 3. Orixinal electrónico ou copia do título de familia numerosa
- Quen alegue ser vítima de terrorismo ou de violencia de xénero deberá acreditar mediante as formas previstas para cada caso.

3.2 Antes da publicación das listaxes provisionais de persoas admitidas e excluídas do 8 de maio:

- **Certificado médico expedido nun modelo oficial do colexio médico en data recente (máximo dous meses)** no que conste literalmente e completo o seguinte texto: "Non existe ningún tipo de contraindicación que impida a realización de probas físicas de máximo esforzo". As persoas residentes no estranxeiro poderán presentar o modelo de certificado médico oficial do país de residencia incluíndo o texto en inglés: "There is no contraindication to the completion of the maximal exercise stress tests"

3.3 O día das probas:

- As persoas aspirantes deberán asistir provistas do DNI ou documento equivalente.

4 Adaptación para persoas con discapacidade

Co fin de garantir que as persoas que teñan algún tipo de discapacidade poidan realizar as probas nas debidas condicións de igualdade, a [Facultade de Ciencias da Educación e do Deporte](#) (en adiante FCCED) realizará, no caso de corresponder, as adaptacións específicas das probas para o que deberán achegar un informe médico detallado sobre a discapacidade no apartado do formulario de solicitude da sede electrónica “documentación xustificativa” (Informe médico para adaptación das probas)

5 Pagamento dos dereitos de exame e seguro de accidentes

O importe do prezo público para a realización da proba física, por acordo do Consello Social, é de 63,67 €, importe establecido para “Probas de acceso á universidade” no [Decreto 98/2023](#), do 22 de xuño, no que se fixan cada curso académico os prezos públicos pola prestación de servizos académicos e administrativos nas universidades do Sistema universitario de Galicia. Este pagamento permitirá presentarse ás convocatorias que teñan lugar segundo o calendario.

Para este importe serán de aplicación as exencións establecidas no devandito Decreto e na axuda do fondo de acción social para o persoal da UVigo regulada por [Resolución Reitoral](#) cada curso académico. Estas exencións poden consultarse no portal web da UVigo a través da seguinte ligazón: <https://www.uvigo.gal/estudar/xestions-estudantes/matriculate/prezos-publicos>.

Ademais todas as persoas participantes aboarán o seguro de accidentes de 8 €.

Non se devolverá ningunha cantidade, salvo por causas de forza maior mediante escrito dirixido á Sección de xestión de prezos públicos, acompañado da documentación xustificativa. Para a tramitación da devolución será de aplicación a normativa aplicable ao procedemento de devolución de prezos públicos.

O importe a pagar, estará a disposición das persoas aspirantes ou representantes a través da sede electrónica, no prazo máximo de 3 días hábiles dende a data de presentación das solicitudes. O prazo para facer o pagamento será o indicado na mencionada folla de liquidación. A falta de pagamento será motivo de exclusión neste proceso.

6 Publicación de listaxes

As listaxes e os resultados das probas (persoas aptas, non aptas ou non presentadas), publicaranse no [taboleiro electrónico](#) (<https://sede.uvigo.gal/public/bulletin/bulletin-index.xhtml>). Ademais, as listaxes provisionais dos resultados das probas publicaranse nas instalacións deportivas nas que teñan lugar ao remate das mesmas.

As listaxes definitivas de persoas admitidas estarán distribuídas por quendas incluíndo a data e hora da proba.

A FCCED remitirá á CiUG, á maior brevidade posible, as listaxes definitivas de persoas aptas.

7 Realización das probas

As probas de aptitude terán lugar nas instalacións deportivas da FCCED (Campus de Pontevedra, A Xunqueira, s/n 36005), agás as probas de natación que terán lugar na piscina do Centro Galego de Tecnificación Deportiva (Estadio da Xuventude).

As persoas cualificadas como non aptas na primeira data ou que non se presentasen por calquera circunstancia, poderán realizar as probas na segunda data.

8 Validez dos resultados de probas de aptitude obtidos no curso académico anterior e no actual

As persoas cualificadas como aptas en probas de aptitude específicas para o acceso ao Grao en Ciencias da Actividade Física e do Deporte para o acceso ao curso académico 2023/2024 non están obrigadas a inscribirse e realizar as probas de novo, xa que a cualificación gárdase para a admisión ao curso académico 2024/2025.

As persoas que resulten cualificadas como aptas nesta convocatoria non terán que repetir as probas de aptitude na convocatoria seguinte.

9 Reclamacións e recursos

A presentación de reclamacións será exclusivamente na sede electrónica no prazo sinalado no calendario, a través do procedemento de “**SXER** – [Alegacións](#)”. As resolucións deléganse no órgano de dirección da FCCED.

Contra as resolucións definitivas poderán interpoñerse os recursos recollidos na Lei 39/2015.

10 Tratamento e publicación de datos persoais

Os datos persoais recollidos na solicitude teñen carácter obrigatorio e serán tratados pola UVigo para a tramitación, organización e realización das probas. Quen participe está de acordo en que os seus datos persoais sexan recollidos, tratados e publicados na <https://www.uvigo.gal/>, e cedidos á CiUG.

Ao ser a UVigo responsable do tratamento destes datos, os dereitos de acceso, rectificación, cancelación e oposición ao seu tratamento exercitaranse ante a mesma, a través do procedemento “**SXER - [Exercicio dereitos sobre protección de datos](#)**” na sede electrónica ou de forma presencial nas Oficinas Asistencia en Materia de Rexistro da UVigo, ou en calquera dos lugares indicados para tal fin no artigo 16 da LPCAP. Máis información: <https://www.uvigo.gal/proteccion-datos>. Igualmente, poderán dirixir a solicitude directamente á Delegada de Protección de Datos da Universidade de Vigo: Ana Garriga Domínguez, Facultade de Dereito, Campus Universitario As Lagoas s/n, 32004, Ourense (España), 988 368 834, dpd@uvigo.gal, ou presentar unha reclamación ante a Axencia Española de Protección de Datos (AEPD).

11 Principio de igualdade de trato

A convocatoria cumpre o principio de igualdade de trato de acordo co artigo 14 da Constitución Española.

12 Normas finais

Facúltase á Secretaría Xeral para ditar as instrucións que faciliten a interpretación destas normas.

Contra esta resolución, que esgota a vía administrativa, e a partir do día seguinte ao da súa publicación, poderase interpoñer recurso potestativo de reposición no prazo dun mes ante o reitor, ou ben recurso contencioso-administrativo, no prazo de dous meses, perante a xurisdición contencioso-administrativa.